

沅

湘

耆

舊

集

沅湘耆舊集卷第五十四

新化鄧顯鶴湘臯編輯

長沙毛國翰青垣校訂

車教授泌書 三首

泌書字香涵邵陽人順治朝貢生官常德府教授
以子萬育封戶科給事中香涵在明季值喪亂奉
父母避深山得免滇逆之變匿高霞山中發憤卒

與父大敬同祀鄉賢

附錄湖廣總督蔡毓榮祭車

以孝友爲政通國稱之叔子黃門文章氣節動天
下而先生優游林泉不求不忮詎意長鯨鼓沫震
盪洞庭而衡嶽以南盡淪胥於滔天之白浪其時
黃門在朝先生在野先生以念子之故鬱鬱於一
日數驚之郊遂不能待黃門之歸而蟬蛻於人間
世矣毓榮待罪行閒衝冒湖波凡八閱月迨岳城

克復拮据於武陵忽於七月接黃門赴始知伯子
仲子衰經已除而黃門之苦塊方始此在路人聞
之猶將出涕况純孝如黃門其將何以爲情哉雖
然古人有言人莫不有一死死或重於泰山或輕
於鴻毛方演逆之入楚也介冑之士望風解甲而
大小有司迎降恐後至於紳士之流亦莫不蠲趨
蟻赴惟恐坐失機會而先生獨能匿隱深山保身
幽壑戒子姪勿入城市以避逆焰昔人所謂全而
生之全而歸之者非先生之謂與

西園偶述

髫年耽嬉戲遊覽涉琴書中年多兒女衣食煩躊躇晚年
頗好道抱吟常索居家有四男兒仕學遠馳驅諸孫甫就
塾嬉笑渾皇初課罷理花木心目欣翳如佳節從西來策
杖候茅廬酷暑亦漸退新涼起庭除靜讀少陵詩學釣子
陵魚敢曰慕肥遯實緣性蕭疏寄語勞勞者俯仰姑徐徐

白雲巖

最高峯上白雲邊稽首皈依古佛前豈爲幽人同泛泛還
將心意託淺淺香花幾處迷芳草好鳥一聲飛遠天是石
是雲皆可拜願從胎藥發青蓮

慈壽寺

次第行經古寺門遊雲時帶亂煙痕有僧來說山中話此
地能清客子魂淒遠梵聲生別院稀微松色在前村幾人
分坐閒閒看碧草苔花臥石根

李訓導可城二首

可城字衛公號大樗湘鄉人順治朝貢生官武岡
州訓導有如山堂聽鶯軒詩集衛公少負異才強

學力行居附郭恥干謁嗜酒善談醉後題詠最多
尤工草書官武岡時年七十矣卒於官今存詩二
首其一爲陪李鵠山先生遊望南庵鵠山名中素
麻城人時官湘鄉教諭蓋吾楚國初時之最有名
者望南庵在浮湘亭右卽些庵流寓地

陪李鵠山先生遊望南庵

曉隨曲徑入招提夾道青松遠望迷塔勢高標幢影外鐘
聲遙渺浦煙西花閒把醖行廚好竹裏聯吟白日低往事
不堪重記憶浮湘亭畔草萋萋

遊福海山答蕭居士儀如

羣山衆壑護僧寮跼步淩危興亦豪竹影亂翻新日月松

聲急響古波濤深林鳥語商量細滿院花香自在饒最喜
主人能會意兒童先遣送香醪

胡布政獻徵二首

獻徵字存人武陵人孝緒先生子以父廕授都察
院經歷歷刑部郎中與修會典議敘直隸巡道擢
湖北布政使未任調補江蘇以病歸久之起赴永
定河工効力卒

江行

急浪拍高空孤村繫短篷雲橫三楚白日落大江紅漁棹
歸前浦豬豚拜晚風片帆兄弟聚誰謂客途窮

冬日同人小集

吏散庭前報早衙暫拋案牘靜無譁貧廚野蔌無兼味籬
畔疏枝有臘花宦况自慚同鹿豕世情只合侶魚蝦負喧
亦是林泉好苦憶窮鄉下澤車

劉舍人自焜二首

自焜字樸先號岳灘攸人順治朝貢生官中書舍
人著有正韻堂詩集樸先爲杜三伯兄有盛名於
時集不見僅從選本採得二首殆亦不離竟陵流
派

問馮根公春雪

捲地風常夜窗明夢未安雪生初曉薄春入隔年殘亦念
林花靜曾懷嶽氣寒閉門清絕事未覺客途難

送杜三弟讀書柏庵時予自禾川初歸

知厭聲聞薄同春入故山巖花封鳥路書笈破僧關家隔
使爲別日長容易閑顧予身未定梅雨一帆閒

陶州同之采十首

之采字庶常密公次子以廩貢考授州同庶常密
公弟仲調之子仲調陷賊死密公哀之以庶常爲
子兄弟均能以文行世其家著有秋水軒香崖等
集

湘潭訪郭少隗於草庵

鐘磬淨一林魚鳥安飛宿我來前款關高人在煙竹披襟
話素心雲氣生幽獨白眼看世機逐逐紛魚鹿高詠擬陶

詩悲歌當賈哭感歎下煙霜寒香對籬菊

月夜過洞庭

鏡吹鄰舟發孤帆淼淼行湖雲陰易起河影澹難明愁觸
潛蛟舞傾聽警鶴鳴誰云能破浪萬慮皆然生

重九楊長公招遊君子峯時因風雨不及登止石淇
庵小飲

欲踐登高約維舟在石淇未窮山水趣偏與雨風期皂帽
吹難落皂亭問有奇且酣村社飲甯復更攢眉

大唐庵贈辛鑑法師

佛閣臨池靜誰燃劫後灰人隨遼鶴化僧爲咒龍來潛躍
生眞悟聲聞長辨才觀心同止水不羨渡乘杯

瓶梅將放和吳龍媒韻

欲索巡簷笑瓶將綻蕊梅不因春始豔誰倩雪爲媒夢入
羅浮去香從紙帳來含芳在幽閣蜂蝶漫相猜

瀉山道中

策杖穿幽徑尋酤乏若村山巾籠樹杪水碓搗雲根嶺折
心猿繫崖懸石虎蹲巍然煥樓閣方信古鐙存

送別純真耆宿還白雲故院

世亂迷三徑庭閒擁翠嵐娑娑橫柳栗矍鑠見瞿曇貝葉
承親授機鋒藉手談白雲安隱處歸應結珠龕

舟過新隄覓小艇尋謁郭些公先生

湖裏秋光非一隅別裁雲水作人區仙舟不繫非無壑楚

澤惟漁尚可逋嶺上寄攜函素月庭中翦刻積青梧蒼茫
百拜羣情浣黃鵠秋風意總無

家太史還里志喜

三載離家萬念輕破巢原未擬謀生鹿門重慶團圓話栗
里欣餘隴畝耕芳節亭亭標磊砢新苗葉葉見生成兒曹
共繞蘭階笑五柳生垂萬木榮

泊新隄同維揚錢陸齋開源寺散步

扶疏綠柳映禪關遊屐同耽靜影閒幾日江聲翻厭熱逢
僧卻似入深山

周訓導和溥二首

和溥字仲宣寧鄉人順治朝貢生官黃州府訓導

元應尚書堪賡之孫兄弟皆能詩仲宣登雨花臺
句云長江落日孤帆下古道秋風匹馬來又云廢
殿有門皆杞棘故家無地不蒿萊頗有氣力

燕子磯

磯水滔滔逝空留燕子名江山悲六代雲樹照孤城落日
漁舟色他鄉遊子情幾人閒過此愁向暮煙生

山家

古木深山路鳴鳩暮雨天已聞人語近還隔一溪煙

唐訓導時鄰五首

時鄰字欽子邵陽人順治朝貢生官荊門州訓導
有雲歸草雪中吟等集潘章辰先生序行余修武

方洲集卷之五十四
岡志時曾一見之

和車孝思先生寄古鐙和尚

高僧如韻士未見欲開扉遲我溪三笑移君錫一飛花須
留菊看人自食芝肥聞道鐙鐙續何云今古非

雨中潘章辰夢白兩社長過訪次韻

我來春正半頗不謂行難遠嶺青猶送疏枝綠未殘雨聲
聞好屐酒熟浣餘寒此日情何限勞勞一羽安

有行腳僧餞汪枚楷回漢陽詩同車孝思先生漫和
暑去無多日微風吹我涼砧聲分雨響客况近秋傷醉看
葦花落歸思曙色光郎湖三徑在料亦計腴荒

遊桃花洞還訪石隱庵僧同許尋遠鄧子與兄弟

道人盡日看雲晴野外無鄰鳥弄聲過嶺一花香出洞人
門三里客來城能藏不必嫌山淺善悟何妨話有生莫謂
狂夫頻繾綣由來麋性亦多情

紫和尙自北江說法五龍寺

五龍移得上方幢引起遊人屐一雙春信漸隨花雨放寒
雲空鎖舊時江

吳興縣嘉驥三首

嘉驥字龍媒寧鄉人順治朝貢生官襄陽訓導山
西興縣知縣

浯溪懷古

爲愛浯溪勝維舟欲卜居中興元結頌傳世魯公書水靜

魚龍適天空林木疏蕭蕭懷古客臨眺幾踟躕

哭父執陶密庵舊史

斯文慟埽舊干城公爲吾軍最繫情早向英華憂滿座盡
於晚節服知名江豪陸硯遺何盛皂帽黃花志竟成賸有
柴桑東嶺月百年長照草堂清

客中除夕

暮春蕭蕭過侶稀天涯冰雪倚柴扉非關潘岳爲郎拙自
是虞翻與世違柏酒莫澆逋客淚寒鐙猶傍逐臣輝飄零
八口歸無計閒卻瀟湘舊釣磯

蔡訓導合天

合天字冲伯攸人順治朝貢生官宜都訓導以理

學博詩亦無理障語

秋過流塘弔故太史西泉易公

公自何年歿人傳僧到今宅雖無舊址詩尙有遺音荒路
雲封盡空林葉落深幾回思往事不忍論升沈

暮與鄢無識松下話別

選石坐松林銅盤淚不禁避人嫌竹淺逃影愛溪深返照
忘殘日歸雲惜倦禽何時當再晤重憩樹中陰

下第舟過湘陰

蘆葦秋搖淅淅風木蘭爲柁度湘中征鴻影遠疑天盡殘
日光流覺浪紅西土叩關還有舌南山射石未教弓美人
自古傷遲暮愁看江干捲釣筒

劉呈貢禹知

五首

禹知字夢白一字箕疇號南莊常寧人順治朝拔貢官雲南呈貢知縣丁吳逆之變逼授偽職不屈避難於曲靖居八年事定乃歸著有南莊詩草

滇南送黃澹若南歸

悠悠古道傍歷歷行店開曉月沈遠岫森然露孱顏河水涸易渡路柳凍莫攀豈不畏霜雪行役宜早還

春日照親闈斑衣媚新綯當軒理顏色素絲猶未變遲回中道情故人意展轉歸者旣云樂來者胡不倦

丈夫貴適志金玉非所願采苓山之顛茲意良足勸出以招吾友入以助餐飯嗟嗟儼鳥鳴孤飛羽翮倦

平溪

平溪清浪遠危險
殢前關匹馬人煙盡
單車驛路艱曉霜
憐做雁夜雨惜愁顏
千里懷人遠離情強欲刪

曲靖寓中

春光已別滇西路
寒食猶留一樹花
偏仄旅懷傷往事
飄零異域感無家
十年蠶蠶身將老
萬里迢迢天一涯
莫怪堂前新燕語
舊時王謝老塵沙

曹縉雲懋極一首

懋極衡山人順治朝拔貢官縉雲縣知縣

宿望日亭

登臨縱初日寒氣遙侵溼
須臾曙光生丹霞開復翕忽忽

赤晶躍皇皇萬靈集大地一冶金彩芒相耀熠義馭敲玻璃
寒湘娥走虹泣嶽翠千態變一身渺然立乾坤看晦明寸
管窺何及

唐府丞夏璽 一首

夏璽字崑伯平江人順治朝拔貢官廣東布政司
經歷權番禺從化知縣擢思恩同知左遷河南府
經歷權閩鄉知縣皆有聲康熙十六年 大兵平
滇以督餉勞瘁卒

和仙人橋石刻詩

莽浪風塵苦憶家打門誰送尙方茶當初信有藍關路悔
不同栽頃刻花

附錄唐崑伯幕阜巖樓記幕阜絕頂石壁如削水
從石罅直下飛流湍沫人跡罕到乙酉之歲閏癸
南遁餘黨蹂躪鄉邑予挈家匿巖穴山中况味始
得備嘗大抵山晴雖盛暑日色淒黃暑無暖氣夜
則仰視星月攀手可掬雜聞山魃鬼魅作禽獸呼
號或似人語欹枕假寐涼氣反膚飛瀑冷如微
夜銅壺不能成寐及曉天空色白海日湧出雲霧
平鋪山半旋風拂之髣髴大色迴瀾奔騰變幻以
刻萬狀雨則深臥不敢出視四方晦暝東西南北
莫知所向震霆常在山側且有神怪作崩崖拔木
之聲雨止林涇風日微涼嵐氣如洗邱隅岑蔚
鳥奇花不辨其名或夜曳杖下山厥明負糧而上
往往緣枯藤躡危石跋涉丹崖沸池與山靈相狎
每凝眸湘流似鏡懸峯外東望故園村落歷歷可
數時有寇掠往來莫得我所還念此身真不啻繫
一匏於天半矣昔歐陽永叔謂詩必窮而後下然
則名山景况非安常無事者可與習處必經亂阻
奔竄而後契之深知之稔寇退挈家而歸理故業
越三載舉鄉貢公車北上憶茲山舊遊
不知再得於何年爰漫書以紀其事

夏訓導漫大

一首

沈澗齋集 卷第五
寢大字昌一益陽人康熙初貢生官武昌府訓導
著有望雲軒集

遊東林寺

力中世外夙何因十日逃禪化劫塵殘雨故添臨去憾
山猶是舊時人飛花影裏留行腳無樹臺邊悟幻身
歸付白雲封一榻重來蹋破嶺頭春

陳教諭士奇 一首

士奇平江人康熙朝貢生官羅田教諭

村隱

老去功名澹閒來歲月長著書終覆瓿得句漫投囊
霜樹棲鴉黑風簾入蝶黃孤村如許景也復答年光

誕訓導濟二首

濟字濟川汝浦人康熙朝貢生官衡山訓導遷歸
州學正性嚴介篤學居官條教嚴肅嘗謂士當寒
素時不厲廉隅他日必負國家喜爲詩所至有題
詠著有孝經刊誤孝子傳有集未見亦見沅州志

會仙謠

嶙峋鳥徑翔秋空千巖萬壑插崆峒何年赤精鍊青玉架
虹斲石彎天弓恍惚幔亭曾孫宴緱山鸞珮相迎逢下眠
濁波劫灰黑黝洞癡龍鞭不得黔雷斷碎玉螭腰秖今天
柱空霞標千年五粒老幽谷根倒披離穹厓隩嗅之秋香
飽延齡鉸翦虬髭古煙綠捫蘿懸棧看捨身鮑姑爲奏可

哀曲

中山寺次堵中丞詩版韻

曲磴盤旋石級彎
煙霞峯半白雲鬟
十千貝葉龍威護
百部侏僂鳥嚙蠻
般若臺高靈鷲嶺
兜羅絲擁碧蓮閒
參禪爲訂重來去
倚杖閑聽古澗潺

劉教諭世陵一首

世陵字仲英攸人官興寧教諭

雨後山樓春望

疏雨將雲過巖岫
草樹去塵新若浴
松煙花霧養春光
迢遞林巒淺深綠
空樓放眼低青天
天風驅雲宿樓邊
醉後題詩示花鳥
詩成氣亦生山川

劉恭城世坡 九首

世坡字雲嶠一字嬾夫攸人杜三先生子以廩貢
薦授衡山教諭擢恭城縣知縣歸後重闢輞庵精
舍以著述老有妙香閣集

題妙香閣次劉元饒韻

荒蹊一片地中有祇樹林手種木犀花聞香在花陰皎月
照高臺清風拂素琴先世離垢園希蹤妙香名禪誦學魚
山清暢如流鶯多君子建才贈我楚唄吟吁嗟五陰魔戰
退復纏身無計營此閣六時憩化城會當披髮去大快平
生心

陳十六初庵客中湘五日有詩懷予帆影樓卽次原

韻卻寄

令節催人老年年江上樓綠蒲仍在手白髮漸盈頭是境
堪行樂無詩不散愁獨憐湘浦客目斷白雲浮

小至日同劉帶如王性皆過輞川作

朝來雲物好攜友過東林殘葉迷山徑疏鐘靜客心百年
如夢幻世事幾浮沈令節須行樂胡爲澤畔吟

答胡元表問訊

淹留將匝月披豁見君情自顧無狂態深慚負此名乾坤
雙眼窄悲憤一身輕風雨思何限浩歌一短檠

同陳侶琴諸子登送鴻閣

今朝風日好貰酒典春衫有客登樓慣飛花看鳥銜遠汀

留宿霧曲岸隱孤帆不醉無歸意斜陽挂碧巖

答譚元音用前韻見懷

入春剛一月苦雨動經旬花失風流態寒欺老病身寂寥
誰共語吟牖不無神賴得豪情客將詩作比鄰

日日江樓坐翠微索劉元饒賦詩依韻以酬

目送飛鴻極遠汀春山如洗翠圍屏江聲雨挾初生浪嶽
色晴分未了青好友喜同詩酒興酣游忘卻鬢毛星數椽
郊外隄邊柳安得高人一草亭

自注樓外有柳數株臨江最宜建亭惜非已有

疊前韻

漁人齊唱百花汀樓擁層巒似畫屏遠岫面開千里白歸
鴻背負半天青孤鐙酬唱迢迢夜四海交遊落落星苦雨

蘭珊花事改翠添雙桂自亭亭

午坐

黑甜鄉美日三竿小閣幽香氣若蘭無賴唬鶯頻喚起倦
攜清夢倚闌干

胡廕貢泰徵

二首

泰徵字去驕武陵人廕貢生

遣興

自喜今春病漸瘳乞來藤杖恰過頭擬聽幽谷寒泉咽好
看高峯海日浮筆墨偶拈牽綺思鶯花滿眼換新愁不須
更乞長生訣判取餘年世外遊

禁足何須學坐禪齋居清興亦陶然午眠夢繞華胥國夜

醒眸凝姑射仙開卷人同朋舊話捲簾山作畫圖懸邇來
饒有閒心計解共春雲戲遠天

胡選貢觀徵 六首

觀徵字西庸武陵人康熙朝拔貢有蕪城集

送去驕弟歸武陵

曲折桃源路舟移第五灣每從青嶂句憶得綠蘿山詩卷
愁堪寄狂名謗未刪故人儻相問爲道鬢毛斑

豈敢忘鄉井相憐久未歸苔封樓鶴徑水沒釣魚磯旅食
同珠米高門謝葛衣麥舟知有贈古道不終違

奔走先勞爾經營築數椽編籬疏植槿剡木曲通泉耐可
居邱壑如何傍市廛艱難吾道貴莫問寢封田

江陰晚渡

自注江陰靖江二塔對峙中界一洲

瞬息潮生急江平月不流片帆秋色遠極浦暮煙浮障海
明雙闕分星湧一洲客愁同渺渺直欲狎輕鷗

過友人別業

落日荒城晚人煙太寂寥爲尋幽勝地閒過小平橋戶外
無車跡庭前長藥苗看君多隱趣直欲絕煩囂

四明道中

暫去山陰道松巖入望遙雪殘猶在嶺風逆不容舸海氣
寒朝日江聲落晚潮征程天未近迴首興寥寥

車選貢萬有

六首

萬有字涵夫號只山邵陽人康熙初拔貢與三先

生之兄著有借園得得園諸稿涵夫於諸車中質
最魯而好學不倦覓句甚苦故所存不多

銓男甫應試遇雨

天雨猶無已行人若個怕兒無輕所試農亦重其資學愧
囊螢火光分太乙藜乘時須努力莫遺俗流嗤

村居懷三弟憶別自真定

憶別時當大佛前燕雲楚水北南天揮來蜀魄聲中淚思
去湘魚夢裏箋姜被幾同黃閣夜萊衣空戀白頭年可知
國事如家事說到高堂莫泣然

西湖吟

桃葉桃根總未諧終朝繡佛但清齋而今叩寂人何處零

落幽香散草萊

窮巷重門局不開全憑楊柳識春臺
畫眉人在深深處好倩鸚哥報客來

十錦塘中數往還笙歌未許四時閑
欲窮裏外湖邊勝一棹輕移兩岸山

楚響山空夜氣扁悄然人立冷泉亭
萬緣到此渾無著月下松陰散滿庭

阮歲貢應台

三首

應台字子來益陽人康熙初貢生有什一草郭些
公序行稱爲淵博淹通之士余同年友阮芝霞裳
其五世孫也霞裳亦有詩見是集一百四十四卷

和江明府雲山湧坐樓成原韻

今此登臨地昔之莽榛場全天因地利四顧堪相羊區置
具經濟懷抱非尋常雲煙媚幽秀山水呈奇光不見廬陵
叟情深寓醉鄉

憑高一騁望政成心自閒流雲常度牖風至每開關遙天
送遠碧近郭生煙翥大江若衣帶清徹澄鬢顏君看嵐生
處何如姑射山

竹樓有坡老我公相後先一日慰羈旅千秋名以傳滔滔
江漢流占斷湖南天文通與文定唱和二十篇極目高樓
上朝朝凝瑞煙

唐歲貢鶴彩 一首

鶴彩字質生湘潭人康熙初貢生質生在明季甚
有名石村集中有過唐質生尺亭不值詩今止存
詩一首

開利寺有序

吾族居潭不知始自何年祖佑官唐銀青光祿大夫今
其墓世代爲唐氏子孫拜埽誌石班班然其久於潭可
知也墓相隔數里卽有開利寺亦不知創自何年但譚
傳唐仁鄉所建而重修在唐貞觀十五年則仁鄉又必
爲唐以前人無疑也其佛像高九丈巍然如新四面叩
之嚮應閣高十丈櫺楹礎石無苔蘚氣唐黃巢之亂吾
祖率子衆避佛身中以茶水從佛目滴下賤以爲佛淚

溪竹潤疏磬嶺雲飛縹渺憑高眺登臨興不違

李名重一首

名重永興人

崇福庵

我愛幽棲勝因探祇樹林閑雲依古佛幽鳥話遙岑興覺
逃禪逸愁緣入世深徘徊忘日暮對此豁塵襟

沅湘耆舊集卷第五十四終

沅湘耆舊集卷第五十四

九

沅湘耆舊集卷第五十五

新化鄧顯鶴湘皋編輯

長沙毛國翰青垣校訂

李一峯天任一百三首

天任字子將號一峰新化人性雅澹工詩畫善琴
康熙初以歲貢官辰谿訓導未幾免歸築弗過居
環廬植梅竹數百本仿枝巢曲屈爲几榻坐卧其
上彈琴賦詩灑如也年九十餘始卒著有弗過居
近稿四卷其自序云余三十始好作詩自散曹放
歸無事苦吟得詩若干首有勸余梓行者又艱於
貲再四思維將盛之葫蘆置彼中流與煙波相上

下有識者拾而閱之曰噫嘻此李子將冰雪詩草
也亟壽之梨棗其自命如此同里李雲樹殿樑序
稱其歸田後笑傲林泉悠然自得適意琴書其詩
甚饒風趣今集中五言如澄江明遠岫落木出山
家小村秋一片絕谷樹千層雙巖畱日午一水東
舟寒夢裏湖山意窗前風雨聲古寺寒山外遙聲
落木中峰外千層樹雲邊萬疊山野態難爲量秋
光不可終市橋新綻柳官路早曉鶯袖裏三千字
雲端一雁聲小山燒後綠迢水霽邊明路轉移孤
照天窮接遠陰時當秋雨後路入晚村煙辭囀不
在遠一靜自然深鷺白洲容與花紅水岩牕傍晚

桃花雨誰家谷口煙人閒心自遠夢靜日方長故
國烽煙隔歸心落日懸七言如且將耕稼供軍餉
幸免疆場事鼓鼙煙霞有處逢知己風雨無端哭
古人何年精舍經仙去誰處酸風雜雨來綠交稠
樹鶯聲隱青入平疇鷺影長皆渾成無迹先生與
余同村住少時猶見其所作山水淡遠有古意

雜興

采采芙蓉花將以貽遠客草木有幽意要求君子悅汝若
肯來時芙蓉猶可折

伏枕沉幽嘆既往不須悲悔客生乎動知機在及時頃者
還山谷蘭蕙香何爲

老梅踞高岡聲香出自然人皆謂之傲我獨服其賢羨彼
桃李花花開豈不鮮

和陶

無絃琴遜我飲酒遜陶公各自有性情奚問同不同且嘆
在今日乞酒有何庸倘得逢惠遠招招入社中

野鶴恥殘粒飛鳴過五津義義舊甲子不作劉宋臣緬想
陶靖節高風絕世人擬陶與律陶謾自費吟呻

埋迹同物化盛名非所欽但云酒不足遺憾直到今我持
一瓢往匡廬峰畔尋

束帶不能耐掉手向潯陽不獨人殊絕千秋難比方當時
無物議野鶴聽高翔久絆塵網中空思秋水長

草木有年紀少壯榮華敷幽人感物變亦恐盛日徂行樂
雖及時特爲迷者呼

造化逸以死生者乃悲逝如彼空山塚遊衍今乃至四十
歸田園區區謀一醉安知柏下人不笑陶居士

萬物皆有託貧士獨無依抗志在黃農不受人是非舉頭
望鳳鳥徂矣竟不歸

覽彼生平詩勸農居首篇戮力肆東作陶然北窗眠如何
世上人孟浪效陶淵妻子方號饑高興然未然

罷琴

古之高尙人琴心未遽竭海上刺舟歸虛庭坐兀兀蜻蜓
點水飛飛向波心欲豈遂無餘懷秋又見明月

雙清晚眺

晚倚雙清亭曠覽收其趣寶塔影屈伸煙城氣將暮孤霞
繼西來歸雲互吞吐微風吹太清水月莽迴互痛哭騎鯨
人何年捉得住

銅柱灘

十里金鼓聲遙聽如對仗兩壁峭面起爭雄不肯讓以茲
夾束巖跳波急橫撞微漏一線天蒼煙迷想像飛檣下雲
霄出沒魚龍狀五十三灘首侈然獨鳴壯昔年有銅柱相
傳大禹創荒涼古廟宇遺蹤不復望憂患此爲始明德何
由向

官齋蘭石

凡事重寄託因人乃得深如彼蘭石者作好在山林既好
不當損珍重出山心尋思在爾輩痛癢豈他人他日憶前
日方知彼此親

白髮

白髮不相待頭禿竟何有譬之孤桐寒霜雪靡其首烏雀
戀故巢晚暮呼同友以此不能忘歸心蓄已久昔別約北
山草堂託堅守移文旦夕來面目無所取

早聞雞

點鼠肆夜偷大小閭多偷天雞唱扶桑衆喙盡司晨雲蒸
草木秀日曠山川新志士感時會早行忘苦辛

衡門

歛足向衡門久與人世別客白城中來笑我太迂拙徐徐
起思之或者妙訣出山戀故山回首山頭雪如赴萬里
程去就難委決林中坦足行疾走防傾跌況復老年人梗
澀如生鐵步步向朱門朱門重關闌投刺不得通良久心
愁絕門吏始回復幸得腰不折老妻喜我歸伸手相提挈
兒子喜我歸捧湯就口啜恩恩日來事何暇與汝說

土閭納涼言懷

誅茅藝土閭老日定行藏風自林中來深處愈清涼無以
酬惠好贈之以壺觴端坐閱身世氣力作商量清貧見滋
味騎語破荒唐不見洩雲去變幻有何常落英春潭水乃
吾肘後方

曉起望大淩峰

夏曉虛光切初霧倖村林蒼然一氣起無迹可追尋好鳥
說晨色旦日釀峰心當余正投老悠然可抽簪

月照潭

古之女媧氏煉石補天缺遺落片雲根化作今明月月淨
雲歸海天清月吐穴扁舟載嫦娥霓裳歌舞切四季永團
圓不生復不沒千古多情人從何感離別

孤兒耘

孤兒未成立新苗憔悴黃豈欲怨風雨相對兩情傷一畦
耘未就一區又在望子身無伴侶心忙力不將侵早田閒
作向暮始歸房兄嫂尙嘲罵洗足在池塘

聞黃鸝有感

何處金衣子喈喈達寢處雨中啼更長窗外聽將曙別鶴
已吞聲孤鴻誰共語春來所見聞惟是我與汝

河上吟

人不以逃臭而廢其鼻鳥不以避繳而廢其翅事則在天
守之由義莫不成於難而敗於易吾往遊彼河上慎以用
智

紡車聲

柴門草舍燈火青長夜車聲紡不停窗前竹露助餘響開
門起視織女星細如秋毫白如銀腰間仍繫嫁時褰近來
家累已如許顧影淒淒向誰語但願良人寬作人賤妾焉

敢惜其身

除夕遣悶

死生骨肉多端集，那得無知如木石。回頭十步九槌胸，不覺恩恩又除夕。過眼半宵殘臘終，斗柄將移人事易。蓬窗風悄燈花紅，妻子近前來解臂。海風吹濤濤逼人，雪裏照頭頭轉白。不歌不舞將若何，老景韶華逆旅客。

張小崙竹谷招飲遂過劉魯庵書齋觀畫

綠醺酒白雪堂，兩邊花夾屋中間。竹影塘苔遭紅翠，相勾引。是日頭倒入醉鄉，君言此地饒山水。領畧人天意思長，甥舅園林接一岡。移將山水四邊張，近日諸家迎子久。風雨倏忽煙蒼茫，若有客立茅亭裏。欲起呼之話滄浪，山陰

才子書萬卷落筆高古今擅長

送彭大令歸南海

彭名有道廣東會同人

富貴直等朝晞露腰間肯爲五斗誤縱有是非當道起巢
父掉頭今不顧梅山雪伴肝腸杜母慈雲今若故諸公
何必再三畱春滿羅浮花滿樹賤子多年卧綠溪釣竿魚
艇先時具風雨倏忽散九霄公去粵東我西路脫有南海
便來使一片相思寄情縈

過次男山居

上山下山山未畢深深穿到次兒室接杖問安拭便牀野
卉薰香亭午日須臾主婦列盤餼嫩莧新雞鮮第一老至
如今食兒孫行見兒孫頗樸實大笑祖父不高官使汝燒

荒勞兩膝客曰主人正高風請爲君家書一筆

曾孫

曾孫三個孫六七來向廚中索果食大者力強先採取小
者緣頸攀上膝回頭指語且莫譁照數分頒一與一口充
金鼓鬧華堂出門竹馬叱多匹老夫竟日坐胡牀就看汝
輩消愁疾

看沿林春色

閉門不覺芳春至突出看春春不意衆木依山減卻天平
田添雨渾無地坐臨斷岸雲親人行入幽香風觸鼻走過
南鄰逢素翁顛來倒去殊忘記

辛未四月朔八喜晴

池塘柳絮夜飛白深山黯雨催愁客燈火搖蕩閃風窗只
恐來朝如此夕雞鳴雲腳走峰巔蕩漾天光照阡陌諺云
是日逢天晴一年四季均雨澤檐前鳥雀送新聲大農小
農手加額

晚晴

驟雨浩然去空山晚作晴斜光平野濕返照半溪明鷺度
無雲嶺煙生欲暮城此中饒究竟天意豈逢迎

舟別邵陵

奔競有何益輕舟別邵陵春驚兩岸老夢入五更清雨過
天如浴潮平石不鳴孰云垂釣叟徒是羨魚情

秋亭晚眺

長眺茅亭上暮村雞犬聲秋煙一線直新月半鉤橫野水
天爲岸寒郊樹作城晴光先報信明日北山行

危泉

屹然空際下天或使之爲明月照如此白雲知不欺奔巖
摧石墮衣雨帶聲疑但恐流將遠江湖非昔時

雨後晴歸

向暮薄陰晴歸思突地生鳥知先客起雲欲與人行新月
過亭送奚童率犬迎今宵作夢好枕上聽溪聲

山居

閑門對溪石花落水香時日出江山麗春來草木知青雲
歸自鳥密樹補疏籬借得鄰家酒客來須滿卮

晚眺

歸鳥破蒼雲，過去影長漁。樵喧渡口煙，火起山莊反照。
如初日輕風送晚涼，城樓高一望處處盡吳妝。

梅城初雪

童僕清晨報窗前，昨夜風粉城增一色。霜葉點殘紅始覺，
乾坤淡方知草木空。誰憐飛鳥外支遁卧高峰。

鐵佛寺聞風鐸

似是聞天籟，花宮何處尋。清風爲斷續，明月共高深。暑退
宜秋夜，山空見佛心。惟將海外意，移入古瑤琴。

前亭望

惆悵茅亭立，開門偶見山。那知夜積雨，楊花竟不閒。抱心

對雲關送鳥上松關東皋草新綠或一解愁顏

送別周鱗長

此地那堪別邊聲入暮秋黃雲明兩岸紅葉送行舟野水
長天盡孤帆落日愁荒城今夕月難上北門樓

辰陽中秋

辰陽仍此住冷署又中秋幾度勞明月相看照白頭移樽
臨水次對客指沙洲來歲知何似清虛且對酬

久不得覃實長銅鼓衛消息

公故居
西塞

客中送遠客憶此最牽腸八口猶苗地一官魍魅鄉音書
經戰地道路出邊方垂老放歸去相思西塞莊

辰陽雜興

齋舍五溪邊經營過十年
擷梅黃就口種竹綠齊天
才豈乖劉向心常嘆鄭虔
迴思無事日盥手弄冰絃

夜琴

夜久柴門閉清齋此會琴
聊將指上訣彈出古人心
燈香林香淡窗虛秋月深
石還仙子去聲影對酬吟

辰陽除夕雪

幾載如茲夕今宵倍黯然
全家大雪裏孤影片燈前
故國餘殘夜新愁接舊年
况當絕塞外烽火照蠻天

雪中懷朗公

長望亦何極千山雪滿林
雲昏村氣合舟斷暮江深
一悟皆空界聽來無衆音
未曾當此際那得見禪心

餘雪

餘雪照清夜高齋環萬山
漠漠古堞外杳杳暮雲間
此際月能上自然心欲閒
當乘春霽起豈復悵柴關

寄張五定遠

徒然對杯酒低首獨吟哦
老至親情重時艱事故多
秋涼霜意動夜靜雁聲過
正值北風起君其謂我何

春日懷定遠

雨黑山常閉門虛畫未開
花驚此日放春自故人來
書信兵前阻平安夢裏猜
晴看溪上路愈自長青苔

辭官

微官艱起拜老至厭人憐
豈爲戀梁稻胡焉淹歲年
貽書

留手蹟移石上歸船笑謝蠻溪水躬耕有薄田

載石歸

所好難於擲隨人笑米顛舟航輕似舊袍笏具如前魚唸
龍門溯雲歸玉洞田慎言聞在昔癡計子孫賢

放歸對西園古樹

堂西一古樹別去十三年幸得不中用枝柯守自然拋官
豈謂達量力合歸田得爾來相偶長謠倚檻前

將度歲

牀頭金欲盡夜半理瑤琴一陣彌天雪多端度歲心自疑
居處淺未便入山深惆悵來年近挑燈且薄吟

山家

采藥東山畔山邊小徑斜那知深谷裏更有野人家稚子
抱襪藏小姑拈野花自言無井稅衣食了春茶

懷劉子篤棐

耿耿不成寐披衣坐半宵涼風吹紙帳細雨弄芭蕉靜夜
秋偏警各天心更遙無從得書至錯信浙江潮

雨中遙念辰陽諸子

八省通衢邑兵戈微倖歸魂驚前日夢淚在別時衣通歲
無消息傳言雜是非三春風雨劇聊爲啟柴扉

長憾

此身誰付與長憾獨心知搶地山河泣呼天日月悲空曠
南海島怕讀蓼莪詩不殺當年賊男兒徒自爲

汾陽先生集 卷五十五
中秋遣懷

老去中秋貴良宵展寂寥天隨青海闊月上白頭饒已是
能凭棹多時不折腰胡牀資野興堅坐聽吹簫

過張小崙別業

山行如不及望望白雲賒黃葉門前路青松處士家盤盛
霜後橘碗泛雨前茶好是張公子勞人坐嘆嗟

賞晴

不困連宵雨安知好在晴山雲歸遠岫海日上孤城鳥弄
松多色花飛地有聲溪前垂釣者一棹盪空明

獨卧偶作

萬竹寒清夜從容埽榻眠高年除別想深夢斷因緣枕上

松前月窗中半夜泉從今忘得失榮辱總依天

李雲樹恙除見過

憐子亦已久忙迎忘敗屢清神猶似鶴瘦骨竟如柴藥向
愁中檢詩從病後排蘇門幸無恙老眼爲君指

寄眉上人

相送桃林去桃花紅正鮮春山半夜雨解得此中禪且自
研三昧毋輕豎一拳多年馴伏虎莫跨向街前

雲樹惠瓊帽

無錢空望市漉酒葛巾殘伸予掌心熱摩予頂上寒忽加
檀渾脫勝過鹿皮冠無以酬明德殷勤且勸餐

雙竹雞

沈清集 卷五 三
客贈雙竹雞新籠方告成雌雄好刷羽旦晚喜交鳴久蓄
名山意常提舊日名主人尙不俗茶竹滿軒楹

蠅

拔劍怒何已驅除自昔難結連羣小醜懷挾惡心肝未見
趨庭拜先疑落墨彈有何尺寸效竟自餉盤餐

責蚊

鼓喙不自息寧知軀體微託身藏溷廁乘晦入簾幃逞噬
無他技謀生只在肥年來秋雨警汝族竟何依

牧驢

逢難鳴更警攬轡清旦徂前途多阻滯問信且徐驅食少
關河遠年稊芻豆虛追思當日事寓目盡踟躕

竹啟帚

束縛爲誰起驅除敢負勞塵中頭已禿歲晚節彌操竊聽
廚人語商量及爾曹回思在山日不用儘清高

方竹

小園多種竹此種別林塲出土成枝削全身渾直方千竿
傳地德四面列詩章但恐利園手朝來宜護防

采藥

昔卜北山居空庭嵐翠餘頃爲石隱客晚讀神農書秋老
黃精實巖幽杞菊虛仙人前發我煙火未遑除

自敘

於世毫無補河陽罷種花煙雲飛入硯詩畫起當家手汲

清泉水爐烹道者茶
依然鄰叟過談笑日西斜

秋山晚眺

落日登臨興未終
杖藜獨對晚秋風
雲霞深淺孤峯頂
煙火蒼茫落木中
畫意憑誰能澹遠
詩情對此儘清空
暮愁歸路鐘聲歇
漁浦猶留晚照紅

三月

三月廿日鷓鴣嘯一聲
歸去百花隨纔經
心事纔經眼半入林邊
半入池多費蝶來猶戀砌
空勞燕語欲偷泥
田間逢著春婆子
喚醒蘇家學士癡

留別署中花木

萬事驚心一別催
可憐花木手親栽
風吹細柳愁交眼
露

點寒梅淚滿腮。孔驛南軍勞未已。孤城東道護誰來。明朝
北郭江湖遠。忍聽離筵畫角哀。

歸去

歸去來兮學古人。移文免受北山嗔。此間茅屋方稱主。舊
日煙蘿乍對新。黃闕紫雲千瑞氣。蒼江白髮一微臣。袞龍
無闕難言補。賈傅何勞哭積薪。

懷邵陵張習庵

故人住在邵陵東。野渡高齋極望中。古寺琴停三峽水。閒
亭秋冷一溪風。家收館穀妻兒飽。畫老煙雲筆墨工。喜鵲
圖前常拭目。幾時枝上報相逢。

龍源仙館

池中流水響如雷。仙子凌空竟不回。黃鶴已飛人去遠。白雲誰復手招來。野亭寂寞當年笛。香樹沉埋小徑苔。尋到真源如有獲。何須執定在蓬萊。

張元士移住南城聊寄此作

元士疑是文解

杜門久不到城頭。野日孤雲水面浮。瀟灑琴彈三板閣。招搖人近水晶樓。喜今七十同皆健。悲昔諸公兩獨留。倘有餘懷宜晤對。塔山渡口問扁舟。

寄商懋德五開衛

瑤琴別後久停聞。坐踞江干目斷雲。歲歲鶯聲邊地別。年年春色嶺西分。獨憐白首非江總。常檢青箱見右軍。海上裏糧贏一著。遲君不再更思君。

返照

返照空江老樹橫
亂鴉深處繞山行
獨吟石磴貪看水閒
過僧房嬾問名
叢綠近收亭午雨
殘虹遠射晚峯晴
遊人正苦迷歸路
未了餘光月又生

尋巖屋

來問溪前把釣翁
尋源石穴水流紅
蒼巖滴乳今成屋
老樹盤根近變龍
山鳥亂鳴思謝朓
幽蹤何日語關同
可憐未破洪蒙色
古廟山神竟日風

前癸未大旱今癸未又大旱紀異

兩度週遭兩度凶
細將顛末語兒童
卻逢甲子追前日
不意荒年再老翁
造化何心容旱魃
乾坤亦覺太雷同
近聞

北闕憂勤甚旱向桑林責聖躬

偶成

屈首空稽古浮生竟俗儔綠蘿春水起洞口繫漁舟

辰陽問子規

草樹彌天綠欲齊鷓鴣呢接子規呢羈人本是田間客一夜關情隴上犁

風雨迷離徹曉時呼殘春色半年思且將耕稼供軍餉幸免疆場事鼓鼙

七夕

一年只計一年親隔水相思盼望頻寄語幽閨休乞巧此宵何暇度旁人

牧牛

清晨飯牛牛已肥
馴擾無愁跨得歸
何似商歌頻扣角
數聲短笛唱斜暉

戲染

少日奔波老日閒
戲拈秃筆埽溪山
更添一段風流趣
楊柳叢中著小蠻

蕉下美人彈琴

西園獨自鼓瑤琴
輦路凝眸春草深
一片清輝雲鬢滿
君恩豈不似蕉陰

弗過居芭蕉

歸植芭蕉傍竹籬
晴天舒展向人宜
曾經翦燭孤窗下
賸

雨酸風夜半時

懷玉沙楊德人

十四年來人不見
湖南湖北洞庭深
卽今寥落音書日
更勝江邊送別心

老日同人九不存
西風黃葉落紛紛
玉沙人又天邊去
一雁孤鳴塞北雲

中秋戲柬柯伯微

中秋良夜雨蹉跎
秋雨牽雲入竹窩
錯怪南山柯伯子
不將明月帶來過

中秋值雨

雨聲搖漾小池波
對影揮杯翦燭歌
惆悵四邊無處望
九

看天上月明多

兵前聞播穀

連年荒後更遭兵無食無人久輟耕上巳清明期已過空
勞播穀最關情

寄盤山與峯和尚

幾年夢到盤山前布韋青鞵興偶然圖畫請畱他日筆添
將一老竹亭邊

過松溪野刹追憶護子昔年

一帶空林鳥雀呼回思攜手竟何如山僧苦話當年事松
月溪風過草廬

哭內

沈湘齋集 卷五十五
臨行執手兩淒其三十餘年老病妻別淚未乾凶問到斷
橋頭刻日沈西

昨宵家事語鏡前破鏡誰知竟不圓記得登車從此去遙
遙隻影柳邊煙

臨終寄別諸友

穀漏原來是此身高巖撒手始全真記書永別諸親友他
日三生遇故人

沅湘耆舊集卷第五十五終

沅湖耆舊集卷第五十六

新化鄧顯鶴湘泉編輯

長沙毛國翰青垣校訂

許南村國煥

八十首

國煥字天章武岡人康熙朝拔貢有南村集南村
方志無傳余修武岡志時僅列其名於選舉表沿
舊志稱其能詩有集未之見也庚子秋資江集印
行有劉介卿者余客武岡時所嘗識也至是以南
村詩本來斷爛漫漶劣可辨識視之各體畧備其
紀國初時事尤詳乃大詫歎知吾鄉前輩名作
遺佚者尙多也因亟錄一卷復登是集以永其傳

考卷首歸家歎詩自注康熙十九年時吳逆初平
次敘哀詩則追敘癸未至己未三十六年事溯其
生年應在明末 國初集中有雍正九年詩閱世
最久而仕履無考其選拔之年亦失載蓋文獻之
湮如此爲可歎也

歸家歎

捷書騰山谷晨裝促鷄鳴 王師夜半入傳聞收郡城就
中招流亡王官語分明收淚卽歸途負挈戰場行迴惑望
餘燼腥血踐鮮蘋飢餒無一全枕藉形縱橫念之皆赤子
誰甘叛逆名迫脇豈所欲骨肉空伶仃
行行識谿山陰風吹落日四顧無居人荒煙冪空室心神

惕虛響徐入疑復出房闥錯獸蹄朝菌生牀席鹵莽一
炊草草不能咽冤鬼寒索羣邱隴聲相迹夜黑天聽昏妻
孥悄無色

里正聞人歸臨門相詬責郡帖昨夜下誅求按逋籍軍前
供億繁官衙急私役恣睢鞭朴橫喪亂不汝惜念我去田
廬劫奪無寸積粒食絕經年野草無可摘君看尪瘠形詎
足供悉索本圖歸王官水火出難尼逐賊豈不力險猶楓
門捫行脫豺狼吻且當猛虎噬天命乃如此痛哭巡檐隙
支離終人生苦患何時釋

敘哀詩有序

武岡故岷國僻處楚徼當黔粵之交喪亂以來受禍最

慘故敘其自癸未至己未三十六年事各系以詩名曰
叙哀覽者將有慨焉

癸未

沈寇亂西北郡隸袁友志壘東鄉黃檗民數千入城殺藩王及宗室子孫畧盡

豺虎蕩中原窺伺煽奸隸斬木山城東揭竿立盟誓瞋目
問王孫郡將倉皇避竟入屠宮闕諸王拱手殪誅索無少
長格殺及狗彘血屍橫寢殿如麻莫收瘞是時宴安久藩
籬撤深計墨吏持武臣州縣弛兵衛諷誦高清流角巾飲
私第權奴依城社官監及校尉絕橫驕貴憑天裔良非便可乘竊
發自積弊垂統三百載休寧同帶礪嵯峨大木標其下摧
蘭蕙龍種頤刻盡耆舊哭高帝

丁亥

粵西立桂王于改元永歷耶將劉承允既誅死袁友志乃迎入武岡未幾大清兵至承

允迎降城東永明宵遁
兵部尚書傳作霖死之

明德天祚移一隅挽陽九州將新破賊挾之令羣醜馬上
謁天子草草稱臣友荆棘立朝儀帶劒索糧糗平人有封
爵誥敕易杯酒職方塞廣路都督埒芻狗鼓震北軍來
市人散不守元戎面縛出衛士斬關走烈哉傳尚書城亡
甘碎首臨卒索衣冠作歌拜南斗疊山與文山正氣光先
後

己丑至壬辰

等復還歸武岡大擾
大清兵北歸流賊

風吹北旆迺村落轉深寇錯處聚羣兇流轉無昏晝王馬
起椎埋括民以自富炮烙遍巨室融液落肌肉好殺張先
璧部曲縱淫媾往來六七載乾坤同反覆嗟民生其時胡

傳不先後託命盜賊中羌獨罹此疾穀疎豚與犬眠食羣
猛獸造次遭噬磔誰能問其候帖耳不復聲矧有奮格鬪
茅屋月色昏慘怛叫狻猊

癸巳

大清復收武岡惡
其反覆下令牧馬

大軍已畧地櫬槍掃疆宇再戰勞矢石遂興將士怒謂此
是頑民乃煩朝黷武安定之固難盡殲空其土令下縱
四出大獵徧村塢來兵皆鐵馬奔騰飛虢虎列戟長圍合
利鏃雜風雨烈焰亘清冥山石爲焦腐老稚及少壯無一
漏網罟半死亂刃下半生就俘虜不異驅豕犬一卒數十
許其掠數萬計分散非一所亦有親屬同不令相聚語行
行燼里平秋風無禾黍約畧谿山是輒復非舊壁蒿艾沒

深徑棄幣相撐拒千里人煙絕吞聲歷險阻作書寄白骨
贖俘誰與處翻怨父母慈兒女生卽舉

甲寅

雲南吳三桂反
楚蜀郡縣皆陷

招搖指昆明逆焰遂蹶張鼓譟殺詔使建號於蠻方迎
刃解全蜀望風下湖湘爭先上印綬守臣走且僵千里無
堅城赤子胥淪亡叛臣亂國紀形迹已久彰抗奏留降賊
馬三寶高
起隆等擁兵以自強遙制朝廷政禍心信所藏父功
迎東豕子被天孫裳天下猶未平列土身已王爵赦擅境
內滇黔得自將驕至鮮能眵龍冠特非常豈無安劉書請
間就東廂朝議頃始合決意制陸梁直由杜微漸跋扈
資飛揚可憐文武吏厚祿輿臺光國家三十載養士死

沈淮耆老集卷第五十六
封疆從風靡不戰符節委猖狂人民界深仇衽席乃瘕瘡
安得壯烈士手劒誅不詳兵柄恥賤微所未尺寸長氣結
烽煙中怛咤滋感傷

己未

吳三桂死于衡陽其黨潰遁大掠郡民奔竄巖穴賊燔柴薰之盡死

天戈揮衡陽翼軫妖氛落渠魁漸瓦解黨從猶跳躍星散
逃郡縣所過恣殺掠飛礮流星矢劍光翻電灼郡民間聲
奔四顧皆風鶴痛哭天地寬一身無所託林箐豈不深秘
密窮搜摸倉皇竄鼠穴勢已重泉薄賊衆長驅至燔柴守
薰斫入者遂生殉出者膏鋒鏑慘酷到嬰孩注槩相戲樂
腐肉幾千堆鳴啄團烏鵲空山啼聲斷幽泉咽哀壑橫被
暴政侵五年骨髓涸煩冤元兇身及死深毒蠹詐坑咸陽

炬叱咤信奇虐快心五裂處羣命償猶畧遺恨連生誅猶
思骨寸削

感事

四邊已鼎沸盈庭乃聚訟奸雄跳身逃猛獸失控縱勿謂
國無人吾謀適不用

染疫夏嶽年來

兵氣寢不流蘊隆作厲崇疫鬼逐饑人舉家走莫避始招
驚魂歸已被兇豎議泔泔昧昏旦中心以燔熾鷄骨支一
息相憐鮮同類豈無期功親動色戒禍累吾子死生友問
訊踰跟至撫榻執其手周慮身後事語索茂陵藁泣下尼
山淚移晷不能別當發復迴視感子故意深一身輕危地

去去早上書排閣訴高位方春宣節氣公孤帥卿貳禱祀
召天和沈冤銷將吏黎民無天札不逢不若魅蒿姓出阍
危微生非所計

夫彝道中

客途望長風斜日色悽緊又作夫彝行景物敘悲憫褰裳
夕露下廢畦行步窘時時過墟里投憇民舍盡深林嗥虎
豹平野攫鷹隼天命與人窮鄉鄰同疾疾相憐太平身依
然愴遠引

行濟塘至武帳驛

湘有韶山俗傳韶氏女修煉於此一日有鳳皇銜丹詔來遂仙去

朝日映深林露下如流霞初爲千里客啟途情瞻戀連山
黯洞庭回頭失鄉縣松杉引石路悽風冷然善林間古驛

平依微韶山見何時鳳皇來丹詔召仙媛一從伏莽披三
湘戎馬踐國計進賢良關塞及清宴尺寸並收蓄扶策
干時彥掌上起瘡痍况乃籌策徧憂樂民生心盛時恥
微賤奔走爲世出所未營私便功名尙不希富貴豈足羨
懷哉鷹隼秋厲翼青冥聊

湘潭舟中懷郴州友人不至

湘有琵琶峯
郴有蘇耽井

暮鐘搖水城秋靜寒空迴懷人怨明月徘徊孤客艇是夜
鴻已至江天一清影時務豈不疾良遊愆馳騁碩苗懷秋
實及爾同勉黽無將丹砂謀蹉跎蘇耽井白露坐盈襟淒
然夜遂永

湖中使風口占

孤雲離高岑浩蕩失根據南風落江湖吹我夏口去氣象
洞庭闊波濤壯昏曙聲撼雷霆幽陰結鬼神語幽濛天一
色心神爲皇遽倚帆信迷亂白日生何處望望張樂野君
山中流踞咸池輟遺響帝鄉罷遊豫如何迅方舟忠信乃
自恕涉險趨時好微倖誇榮譽賢達志安流愚人效干盧
哀時涕洟瀾勳業不早著孰云詩悽婉得之江山助

感遇

東壁皎夜光寒蟬鼓哀翅旅憂集秋庭涼風悽以頽西鄰
有姣女約帶發長喟問女亦何爲生小薄珠翠二十刺繡
成旁人稱工緻千里赴佳期自負可君意文采不相投花
機忽廢棄馳情步微月仰觀星河出安知非牽牛良時當

再至與爾壯盛年勿云不得意努力五文絲珍重十年字
美人請無譁願聽芳桂語寧馨不肖軀遠託湘南處上枝
蟠月窟下根歷寒暑爲君理舟楫百川濟行旅爲君縮元
酒廊廟芬樽俎攀折違本心清香徒輕舉

舟次三江口送友人歸荊州

楓葉落歸舟散漫雲夢澤湖光無晦明南浮千里白依然
三江口遊子彌不憚君又明日去信宿江天隔愁煙閉荆
門慘淡去華宅誤通治國體紆緩天人策對坐論西風魚
龍秋日迫同來放逐人側身孤帆坼平生慷慨志不在杯
酒發微霜侵鬢裘儒冠戀元髮西望杳無垠心與洞庭月

古意

蘭芝含芳英綠葉侵霜露與君行相值偶爾非爲故金石
服拳拳何意膠漆固清話酬一夕忽若風中霧沈痛摧中
懷狂癡疾成病思爲馴孔雀羽儀託心素

擬古

皓月入蓬戶先照牀帷冷攬衾坐長嘆謝君流素影去去
綺樓人清賞歡未省

善卷祠

常德杜山上

大統開義皇世及常局奠揖讓唐虞延乾坤色勃變作事
一不經召號怪風煽箕山冢許由武陵祠善卷清高儼遺
像松風肅深院俎豆百代物春秋守不倦考博太史公疑
信義務卞倡狂漆園吏造譌豈實見誕罔蒙萬古闕血類

壇墀是時運會隆神聖聚陞殿封渚告山川知識安愚賤
虛畏處士聲未盜岳牧薦掩飾無能爲託逃曠達便冬毛
夏辟蘿大言蒲袞弁公等想當然苟幸好異傳如何神器
重東市旋西街

靖州道中

山行尙有程人煙炊曉日朝食茅店中佩刀突入室叱翁
去肩囊奔隨不少失老嫗方午餐輓搖馬聲疾鞭門索廝
養急應吐哺出負芻引革繮前驅喘惕怵敝裙赤一足覺
獨轉于恤客于愕相問十里置驛卒筋骨未甚苦更遞往
還畢時和關塞靖征發罷徭役軍徒無罪拏南荒乃充斥
牙爪熊虎熊乘傳交絡繹崗折毒矢弩路削剽竊跡蠻方

千里間不持寸兵適威怯愚蚩氓衰病猶未惜同食太平
土近內非重譯地輿渠陽圖亂離繪疇昔

夜懷

霜氣流虛室松竹備悽冷殘鐙搖苦心孤夜一耿耿美人
棄我去帷几心跡屏營欬生髮鬢遺翰不忍省出戶河漢
明褰衣步圓影願逐月華流殷勤注西嶺不照離人顏常
照君心靜

田家

敝廬連石田量力守世澤稻麥懷春秋歲功肆阡陌細人
徇衣食所願亦易積鄰叟時時來雲物占晨夕時務輒相
念抗顏戒主伯筋骨良已苦庶以術自擇先人非乞貸安

得美田宅高明鬼所瞰非分有煎迫豈不念子孫遺之以
清白

日出卽所事力竭生理微願言終長畝日暮方來歸山氣
作夜寒四時無是非暝色歛荒塗煙火望柴扉稚子良慰
勞嘻笑牽短衣息肩理風簷杯酒聊自揮農村無荒宴特
用周渴餒

良晨不待我俶載爭其先方春逸肢體膏雨負有年叱牛
出深巷草綠風芊芊乘時而勠力秉耒開古田前村後耕
種屢空歲復然典言願婦子風土舊相沿女紅無蠶桑采
葛谷蔓延是月紡績成秋將事木棉耕織豈不苦常恐失
所天

炎夏日以烈草木日以殖既耕且欲耘酒食勞稼穡小心
辨稂莠鼓舞去螟螣勿爲餒在中旱澇虛心力託命於隴
畝非耕安所食竭蹶窮歲年伐檀置河側逍遙植杖翁勤
動有時息脫復下甌勉將此不可得豐歉天之司曷治農
之職

霜風林樾鳴落葉依茅屋蟋蟀牀下聲歲暮一何速是時
耕織竟白酒村初熟牆頭呼鄰翁慰藉相徵逐屈指計歲
功困廩量餘穀經費惜無益度支稱所蓄少豐不廉儉稱
貨氣跼蹙居非富且貴寧辭餽與粥

送諸君赴秋闈

功名豈足貴所貴在適時伯樂一顧問萬馬空無遺制藝

于吾道寧曰非糟粕滔滔幾千載意已共安之執手再三
瀆勿與世參差富貴天地震賤貧鬼神欺君看幽谷蘭豈
若桃李姿

送別

遊好難久淹良時不易集攜手悵後期行行踰原隰霜風
號冬野斷雲歸嶺急欲去心不能延竚遙含泣黯淡前山
蹊行人出林立

野行

瘦日斜度悲風天野行竟日無炊煙前村有婦抱犁哭垂
頭淚滴如湧泉傍人借問哭何事良久氣絕語哽咽徐言
老婦有二子新從春上攜歸里百經鋒鎗偶然存丈夫去

年遇賊死聞道 王師收郡城王官撫養甚分明誅求旬
攝興百役荒田一寸未得耕昨日城中附書至一男杖下
已立斃今晨里正突入門二男倉猝復被繫定知官長無
仇怨且復扶衰治生計憶昨抱兒避賊鋒存亡生死刀鎗
數得完骨肉頃支解不及相隨入地中我聞此語膺爲撫
珍重伶俜安故土王官固合闢蒿萊未是豺狼猛於虎

聞亂

未許河山裂誰令將士驕竄身天地隘伏枕夢魂遙 詔
下方前日軍譁已隔朝郡城猶萬戶百里一蕭條

書感

干戈纔息戰喪亂未全平名久慚師友家仍累弟兄青袍

無故業黃鉞有專征最憶三秋候天風哭野聲

舟泊湘陰有懷嶽年

日落生愁遠天涯滯此湖風搏沙鴈集月照水城孤客路
爭舟楫鄉心滿荻蘆回頭雲盡處人在楚山隅

舟行

巒谿深不測帆櫓辨風開樹接沙村去山迎客艇來戢鱗
依藻動亂石避流迴想見南征日秋聲笛裏哀

綏寧道中

匹馬春山裏征途望轉傷林巒迷舊國煙雨走殊方路挂
危峯碧苔侵古木蒼只疑深澗底猶有古時粧

靖州

路出青冥上雲橫驛樹低亂山藏并邑驟雨漲蠻谿城社
從狐竄蓬蒿入市迷渠陽邊徼地風物正淒淒

寺夜

清暉澄夜閣蕭散咏涼天斜竹籠煙直方塘印月圓蹉跎
尊小吏齷齪辱殘編漫弄桓伊笛秋風聽渺然

山館偶作

山夜深逾遠秋風散華門鳥啼明月樹犬吠隔谿村華髮
安微服青氍毹惜素餐從來搖落意疏索共誰論

寄懷茶陵州友人

州有靈巖爲陳光問
讀書處石榻尙存

靈巖秋石榻聞與白雲親叢菊逢三度殘尊定幾巡湖山
愁裏月鴻鴈夢中人念爾題幽竹瀟疎畏損神

黔陽懷古

龍標懷古處仙尉此吟哦詩許谿蠻乞狂從楚客過謫遷
邊地重沾丐後人多悵望千秋在臨風一浩歌

還過抱煙界

時余客黔陽三月矣

丹徑梯天頂茅簷按嶺唇帘招曾飲客鵲喜欲歸人澗影
虹霓伏雲根虎豹蹲迴頭千嶂下三月五谿春

登金城山

古木長雲裏盤迴出幾重夕陽連衆壑空翠滴諸峯石倚
蒼藤立泉從碧蘚封誰攜驚世句天闕問春容

客夜

不成作門客長歛鬚誰彈耿耿星河動遲遲鐘漏寒兔營

三窟狡鳥借一枝難多少因人事生平恥未安

登石峯

秀出東風峻西南縱目閒蒼煙吞郡國赤日下諸蠻磴折
風斜直松高鶴去還凌霄誰作賦千載失躋攀

金城山館作

節候方三伏高寒已十分遐荒殊氣色僻陋阻聲聞野碓
春明月山鐘發白雲往來心緒異風土總紛紜

館夜

村塾猶遲暮資身計已疏一鐙枯索影半榻亂殘書世路
瞠牛後生涯拾唾餘傷春繁鳥雀永歎夜何如

庚子初度

歲月荒林引寬間，蹇劣身天長。南至日地辟，北來塵徑草。
深妨客山禽，暱就人量宜。初度久無復，改圖新

聞述將軍自陝西移鎮涼州

全

西憶關中信，涼州節鎮移。羽書飛大漠，金甲總金師。
屯田策徐陵，露布詞喜心。南極外樵牧，屬謳思

望雲山

跨越西南極，千崖萬壑圖。俯臨彈丸郡，森列鬼神都。
半嶺殊晴雨，中峯乍有無。仙人如可接，一上問侯盧。

漫成

詩成容我嬾，事去聽人爲。春色陰晴好，浮雲去住宜。
絲遊蛛漏網，花墮鳥爭枝。物理關心緒，茫茫未可推。

口號

跼蹐雙蓬鬢高天厚地中禮非由我設面豈冀人同涉世
真無術謀生况易窮憑誰鑽故紙未敢附冥鴻

題友人別業

別業臨清曠紆徐抱小川野園危嶂色村縣古時煙肆力
誅花草虛心引石泉春秋多暇日尙欲樂餘年

山行

山行聊信步秋霽出雲峯敗葉驚飛鳥枯葦咽斷蛩馬牛
誰物色土木漫形容長嘯鳴山谷孫登不復逢

齋中

卑陋過從少門常設不扃遠天秋水白幽草暮煙青摧折

垂雙鬢孤危抱一經閒奇勞載酒慚愧予雲亭

行溪上偶至野人家

春風隨坦步曉日綠溪邊藻動魚衝岸山明鳥破煙貧家
稀餽問野老忽周旋已覺和光裏遲遲近午天

過友人村中

來過村里近倚杖一尋春園柳深藏鳥江花遠撲人依依
環堵室咄咄贅疣身羨爾忘形累紛紜耐賤貧

春興

春色倏盈野柴門佇立時綠煙藏斷岸紅雨潤枯枝坐惜
分陰擲嫌無一事宜庶從耕稼侶沮溺不吾欺

清明卽事

太息寒花亦不情一春殘敗落還生
荆榛郡邑皆空地風雨黔巫未洗兵
舊燕幾時巢社日孤村何處哭清明
支離戎馬餘皮骨豺虎仍然道路橫

贈衡陽友人

友知醫名其齋曰捐義取莊子夢蝴蝶栩栩然也

清湘南繞嶽雪斜精舍冥心種杏花
世事夢中真是蝶仙人井畔自爲家
只言醫國愁無術誰信浮生亦有涯
相對宵然迷內要葛洪何必就丹砂

武谿舟中

西風水國逐愁生蕭索人間巧宦情
老樹喧秋飛葉急空灘落日下鷗輕
豈長貧賤韓夫子自遂疎狂阮步兵
詩罷嗒然供一擲谿蠻無事乞虛名

王昌齡諱龍標尉事

人日

人日晴明風色涼
楮冠蓬戶對青陽
未能免俗裁花勝
誰更題詩寄草堂
時事永霜繁鬢髮
生涯泉石入膏肓
老農笑過占新歷
閒勸茅簷濁酒鴆

磨石嶺最高峯

解鞍扶策獨凭高
大息王陽九折勞
懸徑孤危臨絕壑
連山奔走疊洪濤
猿啼蒼木腸猶斷
人近青天首欲搔
縹渺黔巫千里目
東南擁塞舊林臯

寄靖州行營向允恭

將軍戎幕許參從
爲慎佳兵赴五峯
靖州有五老峯
萬里車書全未改
百蠻巢穴竟何庸
路經磨石搖霜劒
天入飛山徹塞

烽火檄潢池生赤子孔璋原要卹三農

納涼

高槐長夏綠陰稠拂枕攤書事事幽
信有清和含布褐自無炎熱到林邱
漁樵山澤徵求少耕牧郊原戰伐休
風物欣然歌詠往兒童無復亂離憂

南樓懷古

層城高迥路逶迤譙櫓秋風入望悲
濟水舊縈岷子國雲山空拜傅公碑
羣遊狐鼠驕緣木血戰豺狼哭守陴
興廢幾年飛閣外冷煙無限草離離

奉和述將軍南樓懷古元韻

城郭遙臨北斗懸蒼涼長慨暮雲天
只今老覽樵薪日正

想從官引仗年亡國社存秋色外登樓賦就夕陽前金輿
石馬廢陳迹滿日悲風散紫煙

村居

天空地闊一村樵萬事蹉跎歲月遙偶過風雲看色變無
憑鶯燕聽聲嬌深山伐木供儕俗乾谷求魚負聖朝自棄
不如豪太白佯狂對酒一長謠

小澤

地名

西流抱草堂青松綠竹接滄溟

輿圖載郡有滄浪亭

賞音天

籟梅花笛寄傲村醪曲水觴舌天三緘誰尙在肱驚百
折未爲良連山爽氣清人事挂頻遙看兩鬢蒼

柴門迴僻閉朝朝長夏相過漫寂寥熱客風驅三伏暑美
人天望一方遙塗窮騏驥嘶聲壯溪穩鷗鳬睡興饒白晝

要津憐暮夜水亭花下簇金貂

匡牀長挂做田廬作息春秋久廢書耆舊形容羞蹇澀衰
遲情性愛蕭疎腰難束帶陶元亮足不窺園董仲舒文采
丰儀懷獨往輟耕隴畔一畝畝

書友人隱居

東山廬舍築幽潛安石年華惜久淹松壑殘春畱積雪楓
門斜日戀重簷傾心才彥逢人說適意詩歌率口占莫厭
充厨無長物菜根時見水晶鹽

秋興

露侵葛屨覺寒輕空谷迢迢野興生鴉帶村煙迎曉色鴈
歸沙岸度秋聲文章索寞雙枯鬢門迕蕭疎一短檠片片

寒雲天外薄山阿桂樹獨含情

重至邵陵

陌上舊垂楊依依葉正黃春風還識得昨夜入資陽

宿宣風閣

一閣清風滿重來憶舊遊可憐城上月曾照去年秋

前出戍

靖州大亂府
徽武同戍之

楓門西去白雲間絕塞橫戈戰百蠻五月銅符趨郡國

時鐵馬汗飛山

靖地名地

雄師赫赫問狐狸供億渠陽尙予遺霖雨但能沈白鉞火
雲何事閃朱旗

力盡蠻山白日曛經秋苦戰未休軍深林幾處鳴飛礮大

將旗門捲夜雲

後出戍

次年靖州復亂乃再戍

六月戎車方出塞
隔年谿崗又徵兵
羽書校尉輕騎沒
烽火陣隍徹夜明

壁壘炎風築舊場
頻年兵氣繞蠻方
干戈百粵天王地
首亂何人召夜郎

兩戍蠻方再度秋
狼煙高鳥沒山樓
太平離亂煩公等
衰草年年枕二矛

沅湘耆舊集卷第五十六終